


KOMMUNIMUT PILERSAARUMMUT TAPILIUSSAQ 3E5-2, Nuuk Airport

Juuli 2018



KOMMUNEQARFIK **SERMERSOOQ**
Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq sunaava?

Kommunimut pilersaarummut tapiliussaq tassaavoq ingerlaavartumik suliarineqartartoq, taamaattumik kommunalbestyrelse Pilersaarusiornermut inatsit naapertorlugu (Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. november 2010-imeersoq) pisussaavoq, kommunimut pilersaarut pisariaqartutigit malinnaatitsissalluni. Taamatut malinnaatitsisarnermi pilersaarummut tapiliussamut attuumassutilimmik pilersaarummi allannguuteqartoqartillugu imaluunniit ilanngussisoqartoqartillugu ingerlaavartumik isumagineqartarpoq.

Kommunalbestyrelse kommunimut pilersaarummut tapiliussamik nunaminertamik atuinissamutsanaartukkanullu tunngasunik aalajangersagartallimmik taamaalilluni sukkulluunniit suliaqarsinnaatitaavoq. Tamatuma saniatigut Kommunalbestyrelse sukumiisumik aalajangersagartallimmik kommunimut pilersaarummut tapiliortussaataavoq:

- Nuna tamakkerlugu pilersaarusiornernup kommunillu pilersaarusiornernata piviusunngortinnissaanut qulakkeerinissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliussaq pingasunik immikkoortortaqarpoq, ***nassuiaanermut tunngasoq***,

aalajangiinermut tunngasoq nunap assinginillu ilanngussanik.

- ***Nassuiaammi*** kommunimut pilersaarummut tapiliussami siunertat inatsisitigullu sunniutit aamma pilersaarut pilersaarusiornernut allanut sanilliullugu qanoq inissisimanersoq nassuiarneqarput.
- ***Aalajangersagartaa*** aalajangersakkanik pilersaarummik piviusunngortitsinermi malinnaatitsissutigineqartussanik imaqarpoq. Aalajangersakkat marlungorlugit avitaapput, aalajangersakkat pingaarnerit aamma aalajangersakkat sukumiisut. Aalajangersakkat tamarmik inatsisinut aalajangersagaapput, taamaattoorli pissutsit ilaanni aalajangersakkanit sukumiisunit immikkut ittumik akuersissuteqartoqarsinnaavoq.
- ***Nunap assinga ilanngussaq***
 - ***Aalajangersakkat nassuiaatitalit***, killigisat sanaartorfiusullu pillugit sumiiffimmi killeqarfiliussanik ersersitsipput. Nunap assinga malinneqartussaavoq
 - ***Nunaminertamik atuinissamut assiliaq***, suliaqarfiup qanoq pilersaarusiornifigineqarsimaneranik takutitsivoq. Nunap assingata, aalajangersakkanik nassuiaatitalinnik imalik asseq ilanngussaq ataqatigeqqissaarpaa malinneqartussaallunilu.
 - ***Ilusilersukkat titartagartaat***, sanaartukkat illuliallu qanoq ilusilersorneqarsinnaaneritut assersuutit takutitsipput. Ilusilersukkat titartagartaat missiliuutaasinnaavoq malittariaqarnanilu.

Tamanut saqqummiussisarneq

Kommunimut pilersaarummut tapiliussaq 04.07.2018-imiit atuutilersussatut tamanut nalunaarutigineqarpoq.

Pilersaarut sumi atuarneqarsinnaava?

Kommunimut pilersaarummut tapiliussatut siunnersuutit kommunip nittartagaani sermsersoq.gl-imi tusarniaanernut iserluni aaneqarsinnaavoq, kommunip saaffiginnittarfiani pissarsiarineqarsinnaalluni imaluunniit Sanarfinermut Avatangiisinullu ingerlatsivimmuut uunga sianerluni 36 74 00 saaffiginninnikkut pissarsiarineqarsinnaalluni.

IMARISAI

ATUARNISSAANUT ILITSERSUUT	2
IMARISAI	3
 1. NASSUIAAT	
 1.1 Pilersaaruteqarfiusoq	4
1.2 Siunertat tunngaviillu	
1.2.1 Tunuliaqutaa	5
.	
1.2.2 Siunertaq	5
1.3 Pilersaarummi pingaarnerit	
1.3.1 Atorneqarnera	8
.	
1.3.2 Immikkoortup killiligaanera	8
.	
1.3.3 Immikkuualuttut A-G aamma sanaartorfik	10
.	
1.3.4 Illuliortaaseq nunatamillu suliaqarneq	12
.	
1.3.5 Aqquserngup attaveqaateqarnerata	14
. allanngortiternera sanaartorneqarneralu	
1.4 Pilersaarusiap aappaanut tunngatillugu pissutsit	16
1.5 Pilersaarummut tapiliussap inatsisitaanut tunngasut	18
 2. AALAJANGERSAKKAT	
 2.1 Aalajangersakkat pingaarnerit	20
3. AKUERSINERMUT UPPERNARSAAT	26
 ILANNGUSSAQ	27

1. NASSUIAAT

1.1 NASSUIAAT

Immikkoortoq inuussutissarsiuteqarfiup Nukappiakuluup aamma Pukuffiup kitaaniit kiisalu golfertarfiup inuussutissarsiuteqarfiusut pineqartut marluk akornanniittumit killeqarfeqartinneqassaaq. Mittarfiup kangiutungaani nunaminertami immikkoortut sanaartorfioqqusaanngillat inuussutissarsiortunik sunngiffimmilu atortakkanik atortorissaarutini angisuunik peqarluni, ilaatigut Sisorarfiit majuartaataat.

Mittarfiup inissisimaffia Quassussuup naqqaniippoq kujataatungaaniilluni Qinngorput avannaatungaani Saviminikunut eqqaavissuaq. Mittarfiup kujataata kitaani immikkoortoq inuussutissarsiuteqarnermut atugassanngortinneqarpoq aammalu utaqqiisaa qaartiteriffittut atugassanngortinneqarluni. Kangiutungaani tassaavoq nunataq qummukajaaq Quassussuup qaavata tungaanut.

Mittarfimmiipput mittarfik 950 meteri, Mittarfeqarfiit tikittarfiat/aallartarfiat garagealik, Air Greenlandip qitiusumik allaffeqarfia, nassiussisarfik sannavillu/hangarit.

Tikittarfik/aallartarfik nutaanngitsuvoq, ullutsinnut naleqquttuunani 1970-ikkut naanerani sanaartorneqartoq, akerlianillu Air Greenlandip illuutai ingerlaavartumik aserfallatsaaliugaasarlutik. Tikittarfiup saavaniippoq, avannaatungaani, tikittunut nunaminertaq biilnut unittarfilik taxallu uninngasarfiat.

Mittarfimmiit marlunnik aqqusineqarpoq Nuummut, Nuussuarmut aamma Qinngutsinnut, 'Siaqqinneq' aamma 'Aqisseqarajooq' aqutigalugit. Takussutissaq 1 takuuk.



Takussutissaq 1. Qulaaniit assi mittarfik pioreersoq

1.2 SIUNERTAT TUNNGAVIILLU

1.2.1 TUNULIAQUTAA

Nuummi mittarfimmik alliliinissamut pilersaarutaasut tunngavigalugit kommunimut pilersaarummut tapiliussaq suliarineqarpoq. Kalaallit Airport-imiit pilersaarutit kingulliit naapertuuttumik inissisimalissappata, pilersaarutit kommunimut saqqummiunneqartut inissaqartinneqassappata immikkoortup ilaata killeqarfia iluarsineqassaaq.

Nuuk illoqarfittut siuariartortutut inerisarneqarnissaa Nunatsinnilu illoqarfiit pingaarnersaattut ingerlanneqarnissaanut tunngatillugu, Nuummi mittarfiup imarpik qulaallugu silaannakkut angallannermi mittarfittut ineriartortinneqassasoq Kommunalbestyrelse ersarissumik anguniagaqarpoq.

1.2.2 SIUNERTAT

Pilersaarummut tapiliussami makku siunertarineqarput:

- Mittarfiup tallineqarnissaanut sinaakkutit qulakkeerneqarnissaat taavalu mittarfik 2200 meterinngorlugu tallineqassasoq
- Siunissami inuussutissarsiornermut immikkoortut nunaminertaqarnissaat qulakkeerneqassasut
- Nukissiorfiit imeqarfiat nutaaq nunaminertaqarnissaa qulakkeerneqassasoq
- Mittarfiup eqqaani attaveqarnerup naleqqussarneqarnissaa qulakkeerneqassasoq, aqquernit pioreersut ilanngunneqarniassammata allanngortinneqarlutillu
- Nuummi mittarfimmik kiffartuussinissaq sullissinissarlu eqqarsaatigalugit suliffeqarfinnik aamma sanaartugassanik allanillu assingusunik naleqquttunik pilersitsinissaq qulakkeerneqassasoq



Takussutissaq 2 Tikittarfik

Avatangiisinut sunniutininik naliliineq, VVM

Mittarfiup pioreersup allilernerqarnissaanut sanaartornissamut pilersaarutininik atatillugu, immikkoortumi mittarfiup alliliineranik avatangiisinut sunniutissai Namminersorlutik Oqartussanit nalilersortinneqarput.

Nuummi mittarfiup allilernerqarnissaa pissaaq "Atortut ilaasa avatangiisinut sunniutaannik nalilersuineq aamma avatangiisinik nakkutilliinermut akiliutit pillugit Namminersorlutik Oqartussat nalunaarutaat nr. 5, 27. marts 2013-meersoq malillugu", taamaammat VVM suliarineqassaaq. Tamatuma saniatigut sanaartorneq pissaaq "Pinngortitamik illersuineq pillugu Inatsisartut inatsisaat nr. 29, 18. december 2003-meersoq" aamma "Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq" malillugit, taamaattumik pinngortitamut kingunerisinnaasai nalilersuiffigineqassapput.

Imarpissuaq qulaallugu timmisartunut mittarfiliornep kingunerisaanik Nuummi angallannikkut annertuumik allannguitsissammat, allannguutaasussat tamakku aqputigiuminarnernik kiisalu nipimik silaannakkullu mingutsitsinermik ajornartorsiortitsilissanersut pillugit naliliisoqarpoq. Mittarfinngortussaq illoqarfiup annerpaartaaniit takuneqarsinnaajumaarpoq, taamaammat mittarfik aqquserngillu takusassiaralugit suliarineqarput. Mittarfiup allilernerqarnerata aqquserngillu sanaartorneqarnerini nipi silaannakkullu minguk pilissapput, tamakkulu sunniutissat misissorneqarput. Aammattaaq pinngortitaaq, imikoq, nunap qaani imeq, eqqakkat, silaannaq il. il. eqqarsaatigalugit sunniutaasinnaasut misissorneqarlutillu nalilersuiffigineqarput.


VVM-imik nalunaarusiap inernera malillugu, iluaqutaasinnaasunik naammassinnittoqarpat, pilersaarutaasoq suliarineqarsinnaavoq mittarfillu taamaalilluni avatangiisinut annertunerusumik sunniuteqanngitsumik ingerlanneqarsinnaalerluni.

VVM-imik nalunaarusiaq piffissami 6. februaari 2018-imiit 3. aprili 2018 ilanngullugu tamanut tusarniaassutigineqareerpoq, paasissutissiillunilu ataatsimiisitsineq 12. marsi 2018-imi ingerlanneqarluni. Tusarniaanerup nalaani VVM-imik nalunaarusiaq kikkunnilluunniit atuarneqarsinnaavoq kiisalu mittarfissap takusassiarineqarnera kikkunnilluunniit takuneqarsinnaalluni.

VVM-imik nalunaarusiaq Naalakkersuisunut inaarutaasumik akuersissutigisassanngorlugu nassiunneqassaaq.



Takussutissiaq 3 Iliveqarfiup takusassiarineqarnera, tunuatungaani mittarfissaq.



Takussutissiaq 4 Inuussutissarsiateqarfissaq – Tungujortut taartut; inuussutissarsiateqarfiit pioreersut / Tungujortut qaamasut; inuussutissarsiateqarfissat

1.3 PILERSAARUMMI PINGAARNERIT

Attaveqarnikkut sanaartukkanik inuussutissarsiuteqarnermilu nunaminertanik ataqatigiissunik pilersitsinissamut kommunimut pilersaarummi pingaarnertut aallutarineqartup piviusunngortinneqarnissaanut kommunimut pilersaarummut tapiliussaq pingaaruteqartuuvoq. Takussutissaq 8 takuuk.

Kommunimut pilersaarummut tapiliussaq naapertorlugu imarpik qulaallugu mittarfimmik 2200 meterimik takitigisumik pilersitsinissamut periarfissaqalissaaq, tikittarfik/aallariartortarfik nutaaq taavalu inuussutissarsiuteqarnikkut suliffeqarfiit nutaat aamma periarfissaalissallutik.

1.3.1 ATUUFFIA

Immikkoortoq mittarfimmut siunertamut atuutsinneqassaaq matumani inuussutissarsiornermut sullissinermullu.

1.3.2 IMMIKKOORTUP KILLILIGANERA



Takussutissaq 5 Maannakkut killiliganera, 229 ha. miss. **Takussutissaq 6** Siunissami killiliganissaa, 295 ha. miss.

Kommunimut pilersaarummut tapiliussap 3E5-2-p matuma atuuttutut nalunaarutiginerani, immikkoortut ilaat ataasiakkaat makku iluarsivigineqassapput:

- 3B2 – nunaminertaq 13,8 ha-miit 12,5 ha-mut takutinneqartutut iluarsineqassaaq
- 3B3 – nunaminertaq 22 ha-miit 17,7 ha-mut takutinneqartutut iluarsineqassaaq
- 3D9 – nunaminertaq 18 ha-miit 15 ha-mut takutinneqartutut iluarsineqassaaq
- 3D10 – nunaminertaq 23 ha-miit 19,2 ha-mut takutinneqartutut iluarsineqassaaq

- 3E4 – nunaminertaq 8 ha-miit 5,3 ha-mut takutinneqartutut iluarsineqassaaq
- 4D2 – nunaminertaq 187 ha-miit 175 ha-mut takutinneqartutut iluarsineqassaaq
- 4D9 – nunaminertaq 19 ha-miit 1240 ha-mut iluarsineqassaaq
- 4D11 – nunaminertaq 1240 ha-miit 1231,2 ha-mut iluarsineqassaaq



Takussutissaq 7 Mittarfik imeqarfimmiit isigalugu



Takussutissaq 8 Pissutsit pioreersut piusussallu takusassiarineqarneri.

1.3.3 IMMIKKUUALUTTUT A-G AAMMA SANAARTORFIK

Immikkuualuttoq 3E5-2 immikkuualuttuni A-G agguarneqassapput, takuuk takussutissaq 9.

Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersumi kap 5 naapertorlugu 'Suliffeqarfiit mingutsitsinerusut' immikkoortuni tamani periarfissaajuassaaq



Takussutissaq 9 3E5-2 Immikkuualuttut

Immikkuualuttoq A

Immikkoortoq una timmisartut aallartarfiannut mittarfiannut / pisattanut ingerlaarfinnut / sivilisuumik uninngasarfissanut / timmisartut isumannaallisagaanerinut sanaartukkanut / attaveqarnernut soorlu aqqusinernut pilersuinermilu ledninginut tunngatinneqassaaq Kalaallilu Airportsimut (assigisaanulluunniit) atugassanngussaaq. Nunaminertat atorneqanngitsut pissusissaasut ilineqassapput.

Immikkuualuttoq B

Mittarfimmi siunertanut soorlu akunnittarfimmik, tikittarfimmik, hangarimik, sannavimmik il. il. pilersitsinissamut immikkoortoq una Kalaallit Airportsimut (assigisaanulluunniit) atugassanngortinneqassaaq.

Immikkuualuttoq C aamma D

Nunaminertat taakku mittarfimmut, inuutissarsiornermut il.il. tunngasunik siunertanut kiisalu attaveqaasersuutitut teknikkikkullu atortulersuutitut soorlu imeqarfik, aqqusineq pilersuinermilu aqqutitut atugassanngortinneqassapput. Mittarfiup eqqaani immikkoortut siunertanut timmissanik ussagartitsisinnaasunut atorneqassanngillat. Nunaminertat atorneqanngitsut pissusissaasut ilineqassapput.

Immikkuualuttoq E

Immikkoortoq una attaveqarnermut atugassanngortinneqassaaq, soorlu imeqarfik nutaaq atortullu tassunga attuumassuteqartut pisariaqartut ilanngullugit. Nunaminertat atorneqanngitsut allanngortinneqassanngillat, ermullu pitsaassusaata qulakkeernissaanut piumasaqaataappat aatsaat ungalulersorneqassallutik.

Immikkuualuttoq F

Immikkoortoq una inuussutissarsiortunut mittarfimmik pilersuisumut atugassanngortinneqassaaq, kiisalu majuartaammut pioreersumut sukisaarsarfissatut atortunut attaveqarnermullu atugassanngortinneqassalluni. Nunaminertat atorneqanngitsut taamaaginnartinneqassapput, ermullu pitsaassusaata tamallu isumannaatsuunissaasa qulakkeernissaannut piumasaqaataappat aatsaat ungalulersorneqassallutik.

Immikkuualuttoq G

Immikkoortoq una kommunip kommunimiilluunniit pigisaanut ineriartortitsinermit ingerlatseqatigiiffimmut atugassanngorlugu ujaqqurevissatut/inuussutissarsiuteqarfittut atugassanngortinneqassaaq. Nunaminertat atorneqanngitsut taamaaginnartinneqassapput, tamallu isumannaatsuunissaasa qulakkeernissaanut piumasaqaataappat aatsaat ungalulersorneqassallutik.

Nunaminertat piumasaqaatitaqarfiusut

Teknikkikkut ikkussuutassat, sanaartukkat sanaartorfiillu killeqarfiusutut atuuttut malissavaat.

Tikittarfiup nalaani nunamiit illut portunerpaaffiut piumasaqaataasooq illunut tamanut atuuppoq: Illup mittarfiup tungaanoortup portunerpaaffiata portussusaa – illuttaaq immikkoortumerngi aniingasoqassappat ilanngullugit – mittarfiup qitiata killeqarfianiit 150 meteriusumit portussutsip qitianiit 20 meteri qaangerneqaqqusaanngilaq. Portussusaa tamatuma kingorna mittarfiup qitianiit 7 meterikkuutaartumik 1 meterimik qaffariartasinnaavoq.

Sanaartukkat sanaartornerlu

Immikkuualuttuni B-mi, C-mi D-milu sanaartornerit aallartinnissaannut kommunimut pilersaarummut tapiliussamik nutaamik peqalernissaq pisariaqarpoq. Akerlianilli teknikkimut aamma attaveqarnermut sanaartugassat immikkuualuttuni tamani kommunimut pilersaarummut tapiliussaq una naapertorlugu periarfissaapput.

Nunaminertat arlallit mittarfiup avataaniittut maannakkut siunissamilu pilersaaruteqarfiusut siunissami allanngortillugit pilersaaruteqartoqalissappat kalluarneqarsinnaapput. Taakkuninnga ingerlatsisuusut taakkununnga tunngasunik paasissutissanik pissarsiniarluni sanaartortitsisup nammineq attavigissavai. Sanaartortitsisooq immikkoortumilu sanaartukkamik piginnittuusooq atuinissamut tunngaviusunik aalajangersaaniarlutik oqaloqatigiissapput.



Takussutissaq 10 Sullorsuarmi qullernik atuineq

1.3.4 ILLULIORTAASEQ NUNATAANILLU SULIARINNINNEQ

Illoqarfimmik pitsaasumik kikkunnullu tamanut inissiaqartitsilluarnissamik pilersitsinissaq pingaartitalugu illuliortaatsimut politikki 2016-imi Kommuneqarfik Sermersuumit akuersissutigineqarpoq.

Mittarfik 950 meterimiit 2200 meterimut allilerneqassappat annertuumik qaartiterisoqartariaqarlunilu nunaminertamik immisoqartariaqarpoq. Nunataata allanngortinneqarnera Nuummi ilisarnaataasinnaavoq nutaaq, taamaattumik mittarfimmi

sanaartukkatigut illuliortaatsimi ilusilersorneqarnera tamaat Kommuneqarfik Sermersuumit pingaartinneqarnissaa naatsorsuutigineqarpoq, minnerunngitsumik illoqarfiup qaninneranut qanorlu igineqarnissaanut tunngatillugu.

Taamaattumik mittarfiup illoqarfimmut naleqqussarlugu suliarineqarnissaa anguniarneqassaaq. Pingaartumik illoqarfimmi unnukkut unnuakkullu qanoq issutsimi misigisassat sapinngisamik nukittorsarneqassapput. Assersuutigalugu mittarfiup angissusaata, inissisimanerata pissanganartumillu qulliit ikkussugaanerisa atorluarnerisigut Nuup illoqarfittut pingaarnersatut nutaalamik illuliortaaseqarnikkut takussutissartaanut kinaassutsimik ilutsinik tapertaasinnaallutillu nukittorsaasinnaapput - tassaniippullu inuit nutaaliat, ilusilersukkat, illoqarfimmi inuuneq issittumilu pinngortitaq tamarmik akuleriisinneqarlutik.



Takussutissaq 11 Mittarfiup sukarsuarnik toqqavilerlugu assersuusiarineqarnera.

1.3.5 AQQUSERNGUP ILUSILERSUGAANERATA ALLANNGORTINNEQARNERA SANANEQARNERALU



Takussutissaq 12 Attaveqarnikkut assigiinngitsunik aqqusersuineq ataatsimoortillugit soqutiginaartumik nunap ilusaanik takutitsisoq

Immikkoortup siunissami ineriartortinnerani attaveqarnikkut assigiinngitsutigut ataatsimut ataqatigiittussanik pilersorneqartussaavoq – silaannakkut angallanneq, biilini angallanneq, aqqusineeraq sukisaarsarfik kiisalu imeqarfik il. il.. Tamakkiisumik eqqarsarnissaq pingaaruteqarpoq, taamaaliornikkummi kikkunnut tamanut sapinngisamik pitsaanerpaamik atugaqartitsisoqassaaq.

Mittarfiup 2200 meteriunissaa qulakkeerniarlugu, kommunimut pilersaarummut tapiliussap atorneratigut mittarfimmut kaajallallugulu aqqutit avannamut kitaaniit kujammullu kangianiit pinissaat pissaaq.

Aqisseqarajooq kangiata tungaanut nuunneqassaaq, tassa mittarfiup isuata avannarliup aamma Borgmesterip Anniitap Aqquserngata akornannut, taamaalilluni avannaata tungaani inuussutissarsiuteqarfimmut atugassamut kujataanilu tikittarfiup nalaani inissaqartitsinerulertoqassalluni.

Aamma Pukuffiup tallineqarnissaa siunniunneqarpoq, taamaalilluni aqquserngit Borgmesterip Anniitap Aqquserngata Siaqqinnerullu akornanni aqqummik

pilersitsisoqarsinnaalluni. Taamaalilluni mittarfissuup, Pukuffimmi inuussutissarsiuteqarnermik ingerlataqarfiup aammalu Nukappiakkuup mittarfiullu akornanni attaveqarneq annertunerulissaaq. Kissaatigineqarpoq kujataa' tungaani talittarfissuarmiit avannamut mittarfiup tungaanut inuussutissarsiuteqarnermut ilusilersukkamik nukittuumik ataqtigiissumillu ikorfartuisoqarnissaa. Taamaalillutik illut najugaqarfiit nipiliorfiusussaannngitsut avaqqullugit angallatit oqimaatsorsuit ingerlaartarnissaat inuussutissarsiuteqarfiillu iluini pisarnissaat qulakkeerneqassalluni (takuum takussutissaq 13).

Naggataatigut mittarfiup tallineqarneratigut aqquuserngup Siaqqinnerup ilaani avannaatungaanut naanerani imaluunniit mittarfiup avannarpiaata tungaatigut sullorsualerneqarsinnaanera, takussutissaq 13-imi takuneqarsinnaavoq.



Takussutissaq 13 Tunngaviusumik titartagaq - Sullorsuaq aamma aqquuserngit nutaat/allanngortitikkat

1.4 PILERSAARUSIORNERNUT ALLANUT TUNNGATILLUGU PISSUTSIT

Nuna tamakkerlugu pilersaarusiorneq

Kommunimut pilersaarummut tapiliussaq nuna tamakkerlugu pilersaarusiornermut naapertuuppoq.

Kommunimut pilersaarut

Pilersaarummut tapiliussaq Kommunimut pilersaarummi Sermersooq 2028-mi ilaatinneqarpoq, tassaniissarlu teknikkikkut atortunik suliaqarfik mittarfissuurtut atugassaq kiisalu kiffartuussinermi inuussutissarsiuteqarnermilu atortunik suliaqarfiit. Taamaattorli immikkuualuttup killeqarfii Takussutissiaq 5 aamma 6 takutinneqartutut iluarsineqarnissaat pisariaqartinneqarsimavoq.

Qanganitsat eriajisassat imaaliannaarlugit peerneqarsinnaanngitsut

Immikkoortup ilaani qanganisaqarnerisq Kommuneqarfik Sermersuumi ilisimaneqanngilaq. Allannutsaaliuineq aamma allatigut kulturikkut eriajisassanik kulturikkut kingornussatut illersuineq pillugu Inatsisartut inatsisaat nr. 11, 19. maj 2010-meersoq sumiiffimmi naapertorneqarpoq.

Avatangiisit

Assaasoqarneranut atatillugu sumiiffimmi mingutsitsisoqarsimaneranik paasisaqartoqassagualuarpas Kommuneqarfik Sermersooq paasitinneqassaaq.

Eqqakkanik avatangiisinut navianaatilinnik suujunnaarsitsinerit, assersuutigalugu issoq uuliamik mingutsinneqarsimasooq, kommunimi eqqagassalerineq pillugu malittarisassat aamma suliaasaqarfik tamanna pillugu inatsisit naapertorlugit pissapput.

Sanaartortitsisup isumannaallisaanikkut qulakkiissavaa (VVM-imik assigisaanilluunniit misissuinikkut), mittarfiup tallineqarneratigut angallattoqarnerulernera Nuummi imeqarfimmut (Qallussuaq) akornutaannginnissaa.

Teknikkikkut pilersuineq

Inissialiat nutaat pisortat innaallagissamut imermullu kuuffissuarnut aamma kiassarnermut aqqaataannut attavilerneqassapput.

Innaallagissamik maannakkut pilersuineq (10 kV) pineqaatissinneqarsimasunut inissiivik atuliinnartorli artukkerneqangaatsiassaaq. Taamaammat aamma tassuuna annertuusaasoqarnissaa naatsorsuutigineqarpoq.

Innaallagissamik, imermik kissamillu pilersuinerneq aqqutit aamma kuuffissuit nunap iluatigoortinneqassapput.

Immikkoortup ilaani pisortat teknikkikkut atortulersuutaat, soorlu immikkoortup ilaanut pilersuinerneq sakkortusaaviit inisinneqarsinnaapput. Immikkuualuttoq E-mi Eqalugalissuarmut atatillugu imeqarfiup inisinneqarsinnaanera ajornartinneqanngilaq. Imeqarfiup inaarutaasumik inisinneqarnissaa kommunip Nukissiorfiullu akornanni isumaqatigiinnikkut pissaaq.

Qinngutsinnut aqquserngup allanngortinnissaanut atatillugu imermik pilersuinermi aqqutilersuusiortoqarsinnaavoq, taamaalilluni imeqarfik nutaaq Qinngutsinnut pilersuisinnaanngorlugu.

Nukissiorfiit siunersiorlugu sakkortusaaviit inissinneqassapput.

Sanaartortitsisoq aamma Nukissiorfiit isumaqatigiillutik teknikkimut tunngasut qulakkiissavaat, tassa mittarfiup kujataa' tungaatigoortoq 132 kVmik sakkortussusilik innaallagissap aqputaa tassaniiginnassanersoq.

Kiassarneq

Immikkoortup ilaata kiassarneqarnissaa Nukissiorfinni malittarisassat malillugit pissaaq.

Kuuffissualersornerit

Inissialiat imikoq pillugu iliuusissatut pilersaarut naapertorlugu pisortat kuuffissuaataannut attavilerneqassapput. Nunap qaavani imeq, tamatumunnga ilanngullugu imeq illup qaavanit kuuttoq kuuffissuuartigoortinneqassanngilaq, kussinernulli kuutsinneqassalluni, taamaasilluni immikkoortumi sanaartukkanut allanut, aqquteeqqanut, aqqusinernut sanaartorfiunngitsunullu akornusersuutaassanani.

Sanatitsisumit nassuiaatigineqartussaq tassaavoq, imeq mittarfiup uninngasarfiullu qaavaniittoq ikummatissamit mittarfiullu asfaltilersorneranit assigisaannillu qanoq sunnerneqartarnersoq. Tamanna avatangiinut akuersaarneqarsinnaanngitsumik akornusiissanngitsaq imaluunniit qanoq aaqqiisoqassanersoq kommunimut erseqqissaatigineqassaaq. Mittarfiup qaavani imeq ruujoritigut assigiinngitsutigut salisartukkut ingerlaartinneqarsinnaavoq.

Eqqagassalerineq

Immikkoortup ilaa Kommuneqarfik Sermersuumi eqqagassalerinermut aaqqiinermut malittarisassanut sukkulluunniit atuuttunut ilaatinneqarpoq.

Aputaajaaneq apummillu piiaaneq

Immikkoortup ilaani eqikkaanikkut aputinut kueraavimmik peqarnissaq periarfissaavallaassanngilaq. Immikkoortup iluani aqquserngit, biilit unittarfii, pisuinnaat aqputaat nunaminertallu sanaartorfiunngitsut aserfallatsaalineqartarnissaat siunertaralugu, immikkuualuttumi C-mi D-milu peqatigiiffimmik pilersitsisoqassaaq. Peqatigiiffimmik piginnittut namminneerlutik malittarisassaliorsinnaapput. Kommuneqarfik Sermersuup innersuussinera malillugu aput piarneqartassaaq.

Sanaartorfissagissaanernut aningaasartuutit

Immikkoortumi sanaartorfissagissaanermut aningaasartuutit illuatungeriillu akornanni agguataarneqartussat akilersuinissamut malittarisassatigut immikkut ittutigut takuneqarsinnaassapput.

Pilersaarutininik atorunnaarsitsinerit

Immikkoortoq ullumikkut kommunimut pilersaarummut tapiliussaq 3E5-1-imut atorunnaarsinneqartussamut tunngasuuvuq.

3E5 -2 – Nuuk Airport: Pilersaarut naapertorlugu mittarfik 2200 meterisut takitigisunngorlugu tallineqarsinnaavoq. Tamanna kommunimut pilersaarummut tapiliussami matumani qitiusutut attanneqassaaq.

Kommunimut pilersaarummut tapiliussap matuma akuersissutigineqarnerani tamakkiisumik najukkami pilersaarut atorunnaarsinneqassaaq, pissutigalugu kommunimut pilersaarummut tapiliussami matumani aalajangersakkat ilaat ilanngunneqassammata.

1.5 PILERSAARUMMUT TAPILIUSSAP INATSISINUT TUNNGASORTAI**Inatsisitigut sunniutaagallartut**

Kommunimut pilersaarutissatut imaluunniit kommunimut pilersaarummut tapiliussassatut siunnersuutip tamanut saqqummiunneqareernerani nunaminertat, illut sanaartukkallu siunnersuummi pineqartut illuliorfigineqassanngillat allatigulluunniit kommunimut pilersaarutit imaluunniit kommunimut pilersaarummut tapiliussap inaarutaasup imarisaanut sioqqutsisutut isikkoqarsinnaasumik iluaqutiginiarneqassanatik. (Pilersaarusiornermut inatsimmi § 31)

Akerliliissuteqarnissamut piffissarititaasoq qaangiuppat aamma akerliussutininik takkutoqarsimanngippat Kommunalbestyrelsen nunaminertap siunnersuummut ilaatinneqartup atorneqarnissaa sanaartorfigineqarnissaalu akuerisinnaavaa, atuineq sanaartornerluunniit siunnersuummut naapertuuppata (Pilersaarusiornermut inatsimmi § 31, imm. 2).

Inatsisitigut sunniutaagallartut kommunimut pilersaarummut tapiliussap tamanut saqqummiunneqarnissaata tungaanut atuukkallassapput - sivilisunerpaa millu siunnersuutip saqqummiunneqarneraniit ukiumi ataatsimi. (Pilersaarusiornermut inatsimmi § 31, imm. 3).

Inaarutaasumik inatsisitigut sunniutit

Kommunimut pilersaarutit piviusunngortinneqarnissaanut Kommunalbestyrelsen suliniuteqassaaq, tassunga ilanngullugu nunaminertanik atugassiinerni. (Pilersaarusiornermut inatsimmi § 29).

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akerliisumik pissutsinik pilersitsisoqassanngilaq. (Pilersaarusiornermut inatsimmi § 30).

Pisulli ilaanni aalajangersakkanit sukumiisunit nikingasoornerit annikinnerusunut immikkut ittumik akuersissuteqartoqarsinnaasarpog. Nikingasoornerit pingaarnerit aamma aalajangersakkanit pingaarnertit nikingasoornerit pissutigalugit nutaamik kommunimut pilersaarummut tapiliussaliortoqassaaq. (Pilersaarusiornermut inatsimmi § 50).

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allanngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutillu pilersaarummi ilaatinneqartut, pilersinneqassasut.

2. AALAJANGERSAKKAT

Matumuuna Pilersaarusiortarneq nunaminertanillu atuineq pillugit Inatsisartut inatsisaat nr. 17, 17. novembari 2010-meersoq" (Pilersaarusiorneq pillugu inatsit) kingusinnerusukkut allannguutitalik naapertorlugu aalajangersakkat tullinnguuttut makku Kommunalbestyrelsimit aalajangersarneqarput.

Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Aalajangersakkat pingaarnert pilersaarummi tunngaviusumik tunngaviupput taamaattumillu aalajangersakkanit taakkunannga immikkut ittumik akuersissuteqartoqarsinnaanngilaq.

AALAJANGERSAKKAT PINGAARNERIT

Immikkoortup ilaata killeqarfilersorneqarnera



1. Siunertaq
1.1 Nalinginnaasumik atuineq: Teknikkikkut atortussat 1.2 Immikkut ittumik atuineq: Mittarfissuaq kiisalu kiffartuussinermi inuussutissarsiuteqarnermilu atortunik suliaqarfiit..
2. Atorneqarnera
2.1 Immikkoortoq mittarfimmut kiisalu kiffartuussinermi inuussutissarsiuteqarnermilu atortunik suliaqarfinnut atugassanngortinneqarpoq. 2.2 Immikkoortumi suliffeqarfiit mingutsitsisut immikkut ittumik ingerlanneqarsinnaapput 2.3 Immikkuualuttuni C-mi aamma D-mi qaqqanik qaartiterinissaq inerteqqutaanngilaq. 2.4 Immikkoortup ilaa immikkuualuttunut A-G-mut aggulunneqassaaq: • Immikkuualuttoq A taamaallaat timmisartut aallartarfiannut mittarfiannut / pisattanut ingerlaarfinnut / sivilisuumik uninngasarfissanut / timmisartut isumannaallisagaaneritut sanaartukkanut / attaveqarnermut soorlu aqqusinermut pilersuinnermilu ledninginut tunngatinneqassaaq. Nunaminertat atorneqanngitsut pissusissaasut ilineqassapput. • Immikkuualuttoq B taamaallaat mittarfimmut siunertamut / pisattanut ingerlaarfinnut / taxanut / sivilisuumik uninngasarfissanut / akunnittarfimmut / hangarimut / sannavimmut il. il.atorneqaqquusaavoq. • Immikkuualuttut C aamma D mittarfimmi / inuutissarsiornermi siunertamut kiisalu attaveqarnermut teknikikkullu atortussaatinut, soorlu aqqusinermut pilersuinnermilu aqqutilersuutitut tunngatinneqassapput - Nunaminertat atorneqanngitsut pissusissamisoortinneqassapput. Immikkuualuttut siunertanut timmissanik ussagartitsisinnaasunut atorneqassanngillat. • Immikkuualuttoq E attaveqarnermut ilaatigut imeqarfimmik nutaamik tassungalu attuumassuteqartunik atortunik atugassanngortinneqassaaq. Nunaminertat atorneqanngitsut taamaaginnartinneqassapput, ermullu pitsaassusaata qulakkeernissaanut piumasaqaataappat aatsaat ungalulersorneqassallutik. • Immikkuualuttoq F inuussutissarsiornermut sanaartorfiunngitsunullu siunertanut atugassanngortinneqassaaq. • Immikkuualuttoq G ujaqgerivissatut/ inuussutissarsiuteqarfittut atugassanngortinneqassaaq
3. Sanaartukkat
3.1 Immikkoortup iluani sanaartornermi atortussaateqarnermilu Naalagaaffiup Mittarfeqarfiata "Inuinnarnik timmisartuussisarnermut aalajangersagai" ataqqineqassapput. - 3.2 Aporfittut killeqarfigitinneqartut sanaartornermi malinneqassapput. 3.3 Sanaartorneq atortussaateqarnerlu immikkoortup takuneqarsinnaasutut ilusaa ataqqillugu suliarineqassapput
4. Inissaqassuseq
4.1 Immikkoortoq 295 ha misaani angissuseqarpoq mittarfiullu 2200 meterinik takitigisumut tallineqarnissaa periarfissaalluni kiisalu mittarfiup mittarfissuarmut nutarsarnissaanut immikkoortumilu inuussutissarsiutinik ingerlataqarnissamut nunaminertanik peqalernissamut pisariaqartunik pilersitsinissaq periarfissaalluni.

5. Eriagisariaqartut
Immikkut ittunik aalajangersagaqanngilaq
6. Nunaminertat piumasaqaatitaqarfiusut
6.1 Ungaluusat innaallagiaqartut pillugit isumannaallisaanermi killeqarfinnut aalajangersakkat ataqqineqassapput ilaatigut immikkoortup iluani ungaluusani sukaasarsuarnit tamanit 15 meterimik ungasitsigisumi ungaluusanik innaallagialinnik ikkuseqqusaannginneratigut, autoværninik saviminiusunik imaluunniit innaallagialinnik allanik ikkussisoqannginneratigut. 6.2 Mittarfiup eqqaani isumannaallisaanermut killeqarfinnut atatillugu maleruagassat ataqqineqassapput. Mittarfeqarnermut atatillugu nipiliortarnermut killeqarfinnut maleruagassat sanaartornermi atortussaateqarnermilu ataqqineqassapput. Mittarfiup eqqaani nunaminertat nipiliornermut killeqarfinnut attuumassuteqartut (mittarfimmit 700 meterimik ungasitsigisut) nipiliorfiusussaanngitsunut siunertanut atorineqassanngillat, matumani ineqarfeqarfinnut siunertanut. 6.3 Silaannakkut angallassinermi aporfeqanngitsumik mittarfeqarfiup piumasaqaataa sanaartornermi atortussaqaarnermilu ataqqineqassaaq. Sanaartornerit atortussaqaarnerillu nutaat tamakkununga akornutaassanngillat.
7. Aqqusinertigut angallanneq teknikkikkullu pilersuinerit
7.1 Illoqarfiup ilaanut Qinngutsinnut illoqarfimmilu nunaminertanut taavalu Nuummit Nuussuarmillu mittarfiup kangiatungaani nunaminertat sanaartorfiunngitsunut attaveqarnissaq attanniarlugu mittarfiup tallineqarnissaanut atatillugu avannaatungaani biilertartunut kiisalu pisinnaarnut, sikkilertartunut il. il. sullorsualiortoqarnissaanut periarfissaqarnissaq qulakkeerneqassaaq. 7.2 Sullorsuarmik aqquteqalernissamut periarfissatut mittarfiup avannaatungaaticut uiaqqullugu aqqusinermik pingaarnermik pilersitsisoqarnissaanut periarfissat qulakkeerneqarsinnaapput. Taamaattorli taamaallaat Kommuneqarfik Sermersuumut sanaartornikkut aningaasartuutaanerussanngippat. 7.3 Avannaatungaani aqqusineeqqat sanaartorfiunngitsut attanneqassapput. 7.4 Qinngutsinnut aqquserngup allanngortinneqarnissaanut atatillugu imermik pilersuineri aqqutilersuusiortoqarsinnaavoq, taamaalluni imeqarfik nutaq Qinngutsinnut pilersuisinnaanngorlugu 7.5 Eqalugalissuarmut atatillugu immikkuualuttoq E-mi imeqarfik inissinneqarsinnaavoq. Imeqarfiup inaarutaasumik inissinneqarnissaa Kommuneqarfik Sermersuup Nukissiorfiullu akornanni isumaqatigiinnikkut pissaaq.
8. Illoqarfimmik nutarterineq
Immikkut ittunik aalajangersagaqanngilaq
9. Immikkoortukkuutaat
9.1 Immikkuualuttoq A, kommunimut pilersaarummut tapiliussaq akuersissutigineqarneratigut mittarfik 2200 meterinngorlugu tallineqassaaq. 9.2 Kommunimut pilersaarummut tapiliussami una tunngavigalugu immikkuualuttuni tamani teknikkikkut atortulersuutit attavilersuutillu ajornartinneqanngillat. 9.3 Immikkuualuttuni B, C, D, E F-imilu sanaartornerit aallartinnissaannut kommunimut pilersaarummut

tapiliussamik nutaamik peqalernissaq pisariaqarpoq.

9.4 Immikkuualuttut C aamma D atorneqalernissaasa pinnginnerani nunaminertanik qaartiterineq annertoq pisariaqassasoq naatsorsuutigineqarpoq.

9.5 Mittarfik eqqarsaatigalugu immikkuualuttoq G-mi kujataata tungaani isumannaallisaanermut killeqarfeqassaaq, taamaalilluni mittarfiup killeqarfiata qaartitikkallu kujataata tungaani killeqarfiup akornanni nunaminertaqassaaq passunneqarsimanngitsumik.

Kommunimut pilersaarummut tapiliussaq una mittarfiup pilersaarusionerani sanaartornissaanilu sanaartornissamut pingaarnertut aalajangersakkanik imaqartinneqarpoq. Sanaartorneqartussap ilusilersorneqarnera naammassippat immikkoortumut aalajangersakkat sukumiisut saqqummiunneqassapput.

3. AKUERSINERMUT UPPERNARSAAT

Kommunit pilersaarummut tapiliussaq una 3E5-2 Nuuk Airport, matumuuna Kommuneqarfik Sermersuup Kommunalbestyrelsianit akuersissutigineqarpoq ulloq 22.06.2018

Kommuneqarfik Sermersooq ulloq: 23/6-2018




Asii Chemnitz Narup
Borgmester



Lars Møller Sørensen
Kommunaldirektør

//Ulloq 04.07.2018 inaarutaasumik atuutilersutut tamanut nalunaarutigineqarpoq.




KOMMUNEQARFIK SERMERSSOOQ
Sanarfinermut Avatangisinnullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq 3E5-2
Kommuneplantillæg 3E5-2

Ilanngussaaq I - Immikkoortup ilaa 3E5 aamma immikkoortup ilaa atuussimasq
Bilag I - Delområde 3E5 og tidligere delområde
Juuni 2018 / Juni 2018
Uutuut 1:20000 / Mål 1:20000
A4

250 0 250 500 750 1000 m





KOMMUNEQARFI SERMERSOOQ
Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq 3E5-2
Kommuneplantillæg 3E5-2

Ilanngussaq 2 Immikkoortup ilaani immikkoortup
Bilag 2 Delområdet og detailområder
Juuni 2018 / Juni 2018
Uutuut 1:20000 / Mål 1:20000
A4

250 0 250 500 750 1000 m

